



Broj: 3-217-2/20  
Sarajevo, 16.3.2020. godine

Na osnovu člana 23. i člana 19., a u vezi sa članom 47 Statuta Notarske komore Federacije Bosne i Hercegovine (Prečišćeni tekst, broj 3-2019/15 od 21.05.2015. g.), Upravni odbor Notarske komore Federacije Bosne i Hercegovine, u sazivu 2019.-2021., hitnim pisanim izjašnjavaњem svojih članova putem elektronske pošte, dana 16.3.2020. godine, donosi sljedeću odluku:

## ODLUKA

### o upućivanju preporuka svim notarima u vezi postupanja zbog situacije s korona virusom

#### Član 1.

Cijeneći trenutnu epidemiološku situaciju u svijetu i Bosni i Hercegovini, te uzimajući u obzir činjenicu da se situacija svakodnevno mijenja vezano za širenje korona virusa (COVID-19), Upravni odbor Notarske komore Federacije Bosne i Hercegovine (u daljnjem tekstu: Upravni odbor, Notarska komora) donosi sljedeće preporuke i upućuje ih svim notarima – članicama i članovima Notarske komore, i to:

- 1) Notari su obavezni **postupati po svim naredbama Kriznog štaba/stožera Federalnog ministarstva zdravstva, kao i naredbama kantonalnih / županijskih kriznih štabova/stožera** kantona/županija na kojem području se nalazi notarski ured, te drugih nadležnih organa na svim nivoima vlasti.
- 2) Preporučuje se notarima da, **za period od najmanje 15 dana, odgode sva zakazana ročišta** za ostavinske rasprave i druga ročišta za poduzimanje službenih radnji te da, u naznačenom periodu, **ne zakazuju nova ročišta**, osim eventualno hitnih i neodložnih slučajeva.
- 3) Preporučuje se također da, ukoliko je moguće, **zaposlenici notarskih ureda obavljaju svoj posao od kuće**, ako za navedeno postoji potreba, kao i da eventualno jedan dio zaposlenika koristi godišnji odmor.
- 4) Preporučuje se da se **rad sa strankama kao uostalom i rad notarskih ureda ograniči na kraće radno vrijeme** uz mogućnost organiziranja dežurstava, i da se pri tome poduzimaju sve potrebne **mjere na zaštiti zaposlenika notarskih ureda i samih stranaka** u skladu s preporukama Kriznog štaba/stožera Federalnog ministarstva zdravstva.
- 5) **Ako notar ima saznanje** da je stranka izdato rješenje nadležnog organa o samoizolaciji ili se **radi o strankama koje su doputovale u Bosnu i Hercegovinu iz rizičnih zemalja**, preporučuje se notarima **da odbiju poduzimanje službenih radnji za takve stranke i o tome obavijeste Notarsku komoru i nadležni organ.**
- 6) Preporučuje se **notarima koji spadaju u rizičnu skupinu zbog rizičnog zdravstvenog stanja** da **razmotre mogućnost privremenog prekida rada uz eventualnu mogućnost organiziranja dežurstva** od strane nekog od zaposlenika notarskog ureda.
- 7) U vezi svega naznačenog, kao i eventualno drugih pitanja, preporučuje se notarima **da prate i postupaju po preporukama svih nadležnih organa** (u prilogu odluke dostavljamo najvažnije obavijesti Kriznog štaba/stožera Federalnog ministarstva zdravstva).

- 8) U zavisnosti od razvoja situacije, **Upravni odbor će poduzeti i druge potrebne mjere i radnje, uključujući i eventualno subvencioniranje notarskih ureda**, a sve prema financijskim mogućnosti Notarske komore.
- 9) **Naznačene preporuke se, na odgovarajući način odnose, i na rad Stručne službe** Notarske komore, na koju će se također primijeniti preporuke u vezi rada od kuće i organiziranje odgovarajućih dežurstava.
- 10) **Naznačene preporuke se odnose i na rad organa, komisija i radnih grupa Notarske komore** koje trebaju kadgod je to moguće koristiti elektronsko glasanje i donošenje odluka, osim ako po prirodi stvari zbog hitnosti i neodložnosti rokova je potrebno da se nadležni organ Notarske komore sastane.
- 11) Preporučuje se **notarima koji su dostavljali neposredno zahtjeve** za Registar testamenata / oporuka i drugih nasljednopravnih poslova, **na protokol Stručne službe, da do daljnjega iste dostavljaju isključivo putem pošte.**
- 12) Ove preporuke se odnose **na period od najmanje 15 dana počevši od 16.3.2020. godine**, a o daljnjim promjenama epidemiološke situacije i mjerama Kriznog štaba/stožera, **notari će biti blagovremeno obaviješteni od strane Upravnog odbora.**

## Član 2.

Ova odluka stupa na snagu danom donošenja, a objavit će se na naslovnici službene web stranice Notarske komore.

## Obrazloženje

Cijeneći trenutnu epidemiološku situaciju u svijetu i Bosni i Hercegovini, te uzimajući u obzir činjenicu da se situacija svakodnevno mijenja vezano za širenje korona virusa (COVID-19) i informacije iz Kriznog štaba / stožera Ministarstva zdravstva Federacije Bosne i Hercegovine, Upravni odbor je, sukladno članu 47 Statuta Notarske komore Federacije Bosne i Hercegovine (Prečišćeni tekst, broj 3-2019/15 od 21.05.2015. g.), donio odluku kao u dispozitivu.

Predsjednik Upravnog odbora  
Notarske komore Federacije Bosne i Hercegovine  
Sefedin Suljević, notar

